

Archief van de Graven van Blois

Nationaal Archief, Den Haag, nummer toegang 3.19.10

Inv.nr. 224: 25 november 1380 tot 25 november 1381

transcriptie door

H.A. Verhoef

Rekening van Claes van der Merwede, schout van Gouda

Afgehoord 19 februari 1382

Schoonhoven, 2015

Rekening heer Claes van der Merwede van den scoutambacht van der Goude van den jare 81 en Dirc Beynkin van Scoonhoven.

f.1.

Dit is rekeninghe heer Claes van der Merwede van den scoutambacht van der Goude van des minen lieven heer den Grave van Bloys daer of verscenen is van sinte katrinen daghe int jaer 80 dat hi lest rekende tot sinte katrinen daghe toe daer naest volghende int jaer 81,. Dat hi dese voirscr. ieghenwoordighe rekeninghe sloet binnen mercten en daer buten waer of baten mercten de stede de helft heeft van allen boeten ende binnen mercten zijne mijns heren alleen. Ende en reket her Claes voirscr. hier niet dan mijns heren deel en dat bi goeden ghelde enen nuwe groot voor 6d. gherekent.

Ontfanc van boeten buten mercten.

Item Jan Ghermans soen van woeker	15 sc.
Item Hughe scoemakers wijf van scelden	5 sc.
Item Jan Gheests wijf van scelden	5 sc.
Item langhe Gherijt van dobbelen	4 sc.
Item Ricout de messemaker van dobbelen	4 sc.
Item coeman Dirc in voghen van eenre ontwaringhe	15 sc.
Item Willeken Enghelssoens wijf van scelden	5 sc.
Item Nyese van scelden	5 sc.
Item Alijt Allaerts van dat si enen knecht sloech met enen pot	15 sc.
Item een man van Huesden van dat hi op de sluse zat	25 sc.
Item Pieter Liver van dobbelen	4 sc.
Item enen man van haerlem die op de sluse zat	25 sc.
Item Elken mitter vust ieghen Coelman loest verbuerde	8 sc.
Item Roelof scrienmaker metter vust ieghen Pieter Philipssoen verbuerde	8 sc.
Item Willem Cortelant mitter vust ieghen Pieter Philipssoen	8 sc.
f.1v.	
Item Dirc Roelofssoen met enen speet ieghen Pieter Philipssoen	15 sc.
Item Pieter Philipssoen metter vust ieghen Dirc Roelofssoen	8 sc.
Item Emme Pieters suster mitter vust ieghen Dirc Roelofssoen	8 sc.
Item Pieter Melissoen mitter vust ieghen Aerntkin Tribeelensoen bi nacht	14 sc.

Item coeman Ghijskins wijf van dat si metter vust sloech in hoors selfs huus ieghen coeman Ghijskins suster	35 sc.
Item Herman die scrienmaker van dat hi enen man sinen caproen nam	14 sc.
Item Matte Jacop Meeussoens wijf van scelden	4 sc.
Item jacop Pietersoens wijf van dat si Mattijs Bollen biden baerde toech	7 sc.
Item Ghijskin Scouten van dat hi vacht ieghen Kaert	18 sc.
Item van enen mandie op de sluse zat daer Jan van der ouder Goude borghe voor was	25 sc.
Item Katrijn die baxter van dat si metter vuste vocht	8 sc.
Item Frederic Rostssoen van dat hi vacht metter vuste	8 sc.
Item coeman Janssoen van haerlem van dat hi vocht metter vust ieghen Pieter Kerten	8 sc.
Item Hille Vriesen van dat si vocht metter vust ieghen Vrederic Rosts soen suster	8 sc.
Item Pieter Janssoen van dat hi vocht ieghen Aerntken Dirc Boensoen	15 sc.
Item Moue van dat hi vocht metter vust ieghen Willem Potter	8 sc.
Item Mouwensoen van dat hi vocht met een scup ieghen Willem Potterssoen	15 sc.
Item Gherijt van Brokel van dat hi vocht mitter vust ieghen Willem Potter	8 sc.
Item banghe Willem van dobbelen	6 sc.
Item Codder van dobbelen	6 sc.
Somma,	19 lb. 10 sc. holl.
f.2.	
Item Claes Mouwe broeder van dat hi vocht mitter vust ieghen Willem den Potter	8 sc.
Item Willem den Potter van dat hi vocht mitter vust ieghen Mouwen,	8 sc.
Item Willem Potter soen van dat hi vacht mitten vust ieghen Mouwensoon	8 sc.
Item Willem Potter wijf van dat si vacht mitter vust ieghen Mouwer	8 sc.
Item Coppijn van Ghent van dat hi vacht mitten vust ieghen Mouwer	8 sc.
Item Pieter van dat hi vacht metter vust ieghen Heinric Bottermans soen	8 sc.
Item die knecht daer Voersoets soen borghe voor was mitter vust	8 sc.
Item Jan Grietensoens knecht van dat hi vacht mit enen stoc ieghen Beelen wijf	15 sc.
Item Willem Voppen soon van dat hi vacht ieghen Willem den Wachter	15 sc.

Item Baert Jan Heinrix soens van dat hi vacht mit eenre vlessche	18 sc.
Item Coppijn Vich van dat hi vacht	14 sc.
Item Pieter Zwan van dat hi vacht metter vust	8 sc.
Item Tyman Jans soen van dat hi vacht mitten vust ieghen Pieter Zwan	8 sc.
Item Jacop Pieter Claes soens soen van dat hi eens poerters goed buten der stede besettede	30 sc.
Item ontfaen van enen man daer Aernt van der Goude borghe voor was die sijn poortrecht nyet en hilt,	55 sc.
Item meister Ghijsbrecht van dat hi vacht mit enen stoel ieghen Mesken Stickers dochter	15 sc.
Item Hein Anen soen van dat hi ghewoekert had	15 sc.
Item Bruun Ansen soen van dat hi vacht mitter vust ieghen Symon	8 sc.
Item Jacop Gheye van dobbelen	5 sc.
Item Pieter Kmer van dobbelen	5 sc.
Item Willem Voppens soen van dat hi vacht ieghen Dirc Scipman	15 sc.
f.2v.	
Item Hein Seroen en sijn soen van vechten elc metter vust 10 sc. coemt	20 sc.
Item Dirc de Bruun van dat hi vacht	15 sc.
Item Claes Jacops soens wijf om dat si vacht metter vust	9 sc.
Item Dirc Bruuns soen van dat hi Willem monic stac	50 sc.
Item Willem de monic stac Bruune weder das hem de raedt quyt liet overmids dat sijn broeder op ghelt gheset was van den selven vechtelic.	
Item Corre Ghise van dat hi vacht mitter vust	8 sc.
Item Vranc mijns heren soen van dat hi enen poerter buten der stede aensprac	20 sc.
Item Wouter Naghel van vechten	20 sc.
Item Jac Ghesellen van dat hi vacht mitter vust	10 sc.
Item Gheertruut Gherit Ghiben van dat si vacht mitter vust	10 sc.
Item Bruunken om dat hi vacht mitter vust ieghen coeman Ghijskin	8 sc.
Item Martijn her Symons soen van eenre ontwaringhe	12 sc.

Item Florens Sparnaghel van dat hi op de sluse zat	18 sc.
Item baernt betaelt van scelden	4 sc.
Item Winen Claes Jacops soens wijf van dat si vacht mit eenre canne	12 sc.
Item jan Mast van Huesden van dat hi op de sluse zat	30 sc.
Item Coppaert van dat hi sijn poortrecht nyet en hilt daer hi mit recht wtgheset was	3 lb.
Item Wouter Gherijtssoen van dat hi vacht met enen blaesbalch ieghen sijn joncwijf	30 sc.
Item van Cras van dat hi vacht metter vust ieghen Melis	8 sc.
2 ^e Somma,	30 lb.7 sc.holl.
f.3.	
Item Hughe Aechten soen van dat hi vacht met enen piec ieghen sinen stiefvader	25 sc.
Item Willem Willemssoen van dat hi vacht ieghen Willem den wachter	20 sc.
Item Pierman van dat (hi) vacht metter vust	8 sc.
Item Nannekijn van dat hi vacht metter vust ieghen Jacop	8 sc.
Item Pieter Zwaen van dat hi vacht metter vust ieghen Heinken Claessoen	8 sc.
Item Dirc Wolfaertsoen van dat hi vacht metter vust ieghen Druunk	8 sc.
Item meister Ghijsbrecht van eenre ontwaringhe	20 sc.
Item Jacop de wever van dat hi vacht metter vust ieghen Laanken	8 sc.
Item Jacop Janssoen die lichter tot tween tiden verwonnen van boeten daer of ontfaen	40 sc.
Item meister Ghijsbrecht dat hi sijn poortrecht nyet en hilt daer hi mit recht wtgheset was	3 lb.
Item Jacop Hughesoen van enen (pein) dat hi verboerde ... diaert	11 lb.
Item van 3 luden van Benthusen die camp ghevochten souden hebben van dat si becoert waren mit horen messen	3 lb.15 sc.
Item Willem meister Bousens broeder van dat hi vacht ieghen meister Boudijns wijf	20 sc.
Item Bruunkin van dat hi vacht metter vust ieghen Dirc Wolfaerts soen	8 sc.
Item Pouwels Symons broeder van dat hi vacht metter vust ieghen Pieter Zuan	8 sc.
Item Ludeken Claes soen inghenaden ghegaen met enen messe ieghen ieghen Gheret Jan Smitsoen	25 sc.
Item Dirc van Beiersom van dobbelen	5 sc.

3^e Somma, 28 lb.6 sc.holl.

f.3v.

Item Florens stilleganc van dat hi vacht metetr vust 8 sc.

Item Jan de backer van dat hi coeman Ghijsken sijn scut goet ontnam 20 sc.

Item van den gheenen die becoert waren van horen huse te leemen dat ghedadinct was bi den rade en bi der stede daer of ontfaen, 10 lb.

Item Aelbrecht van Sciedamme van vechten 15 sc.

Item Wigghere wijf van scelden 10 sc.

Item jan Claes soen van dat hi Aerntken stac 20 sc.

Item Trudeken Jacop Voppen soens van scelden 7 sc.

Item Dirc Alle van dat hi Jacop Gheyse stac in Vlaenderen 30 sc.

Item Dirc Willams soen van vechten ieghen Pieter Jacops soen 10 sc.

Item Voppe die breker verwonnen mit enen messe ieghen Willam den wachter 25 sc.

Item Aelwijn van dat hi sijn poertrecht niet en hilt daer wt gheset met recht ende ghedadinct bi den ghemeen gherecht 40 sc.

Item Wiggher Symons soen van dat hi vacht ieghen backer van Zeist 20 sc.

4^e Somma, 20 lb.5 sc. holl.

f.4.

Item Aernt Roec van dat hi vacht mit enen messe 45 sc.

Item Claes Gadergoet van dat hi vacht 20 sc.

Item Pieter van Misen van dobbelen 5 sc.

Item langhe Gherijt becoert mit sinen zwaerde 40 sc.

Item Heinken Barbiers knecht van dat hi vacht nitter vust 8 sc.

Item ontfaen van enen vreemden man van vechten daer Jan Rose voor betaelde 18 sc.

Item jacop Claessoen van dat hi sijn poertrecht nyet en hilt ghedadinct bi den meenen gherecht overmids dat hi gheen borghe gheset en had en nerghent op bewijst 20 sc.

5^e Somma, 7 lb.16 sc.holl.

Somma summarum van allen boeten binnen den voirscr. Jare verscenen buten mercten daer de stede de helft heeft loept in der manieren voirscr. 107 lb.3 sc. holl.

f.4v. ledig.

f.5.

Ontfanc van boeten binnen den mercten die minen lieve here alleen toeboere en die stede niet aen en heeft, Eerst,

Item van enen man mit enen scep aels die mitten vust vacht	40 sc.
Item ontfanc van Compaen van dat hi vacht in de marct	56 sc.
Item Claes Linen soen van dat hi vacht mitter vust ieghen Jan Lizen boey	1 lb.
Item Boen van dat hi vacht ieghen Lubbrecht	20 sc.
Item Compaendie hi verbuerde om dat hi Reinkin Wijn int aenzicht goet in de marct	4 lb.
Item ontfanc van Heinken barbier van dat hi vacht ieghen Claes Aelwijnssoen	50 sc.
Item Hugheken van dat hi vacht mitten vust ieghen Jan Jan Mouwen soens knaep in de marct	3 lb.
Somma	16 lb.6 sc.

f.5v. ledig.

f.6.

Dits wtgheven heer Claes van der Merwede binnen den voirschr. jare ende bi den voirschr. payment.

Eerst van coste ghedaen in den tween mercten om die te bewaren als ghewoenlic is,	8 lb.14 sc.
Item den gherecht tot horen rocken te helpe bi mijns liefs heren bevelen	10 lb.
Item de ghevanghen te bewaren binnen den voirschr. jare	3 lb.
Item van enen ende grafts te maken bestaet in taswerc bi rade Gherijts Snoeyen overmids dat de stede hoor grafte nyet maken en woude mijn heer heer en maecte de sinen, coste	43 lb.
Item bi mijns liefs heren bevelen ghesent heer Adaem bi nacht van der Goude t'Utrecht den biscop des heer Claes mit hem scicte 4 knechte verteert overmids waghenhuer	20 sc.
Item van 4 knechten en enen wachter die heer Claes reket ghehouden op den nuwen hof ter Goude van een sinte baven daghe tot sinte pieters daghe toe in zulle daer naest volghende voor horen cost	25 lb.10 sc.
Somma van alle wtgheven voirschr.	91 lb.4 sc.
f.6v.	
En sijn ontfanc als voirschr. is loept,	123 lb.9 sc.

Item d'eene somma gheeffent jeghens dander gheeffent blijft heer Claes mine heer
sculdich bi deser rekeninghe, 71 lb.5 sc. goetghelts.

Daer of sel men corten die de provoest ontfinc daer heer Claes gherekent hadde en hi voert of rekenen sel 24 ouder scilden gouden t'stuc 20 sc.6d. 2 nobel t'stuc 35 sc.6d. twee franke tstuk 22 sc. twee pieters tstuc 19 sc.6d. en in zulveren ghelde 18 sc. loept te samen dat de provoest hadde 50 lb.7 sc. Item gaf heer Claes wt des provoest bevelen Hannekijn den piper in afcortinghe sijne wedden 10 lb. Item gaf hi minen heer in sijns selfs hant doe hi ter Goude lach en ter Haghe waert varen soude mede te quaerte 6 lb. dit coemt te samen dat men van der voirsch. scout corte sal 66 lb.7 sc. Soe blijft noch 4 lb.18 sc. die hi betaelde heer Janne Tolnaer die mijns heren daer of rekenen sal.

Gherekent t'Scoenhoven op thuis 19 daghe in februarie int jaer 81. Na de maniere des hoves van hollant voor minen heer selve daer bi waren de heer van Haurech de heer van Montfoert en van Asperen de provoost van Byaum Dirc van der Goude Jan en Godscalc van Brakel.

(Los briefje)

Item Louwe die backer inghenade ghegaen met een steen ieghen Coeltgijn.

(los briefje)

Dit is dat afterstal.

Item Dammaes Celen soen verwonnen met een boghe ieghen Hughen Scuitmaker.

Item Jan Gherijt Harmanssoen verwonnen met enen lardaer ieghen Hughe scuitmaker.

Item Harman die craen verwonnen met een boghe ieghen Hughen die scuitmaker.

Item Willem Jan Wittensoen verwonnen met een piec ieghen Hughen scuitmaker.

Item Claes die Craen verwonnen met een boghe ieghen Hughen scuitmaker.

Item Ocker Dirc Cranensoen verwonnen met een piec ieghen Hughen scuitmaker.

Item Claes Koddeken verwonnen met een messe ieghen Aecht Dirc Jacopssoens.

Item Claes Koddeken verwonnen met een messe ieghen Jan Wouterssoen.

Item Claes Koddeken verwonnen met een messe ieghen Lijsbet Willems.

Item Joncker Waelwijn inghenade ghegaen met een messe ieghen Gherijt die boghemaker.

Item Joncker Waelwijn inghenade ghegaen met een messe ieghen Dirc die steenbakker.

Item Claes Aelwijnssoen verwonnen van dat hi vacht indie merct met een messe ieghen Heintgijn barbier.

Item Coppijn verwonnen van dat hi een huis op stiet.

Item Ane Hughe Brunen dochter verwonnen van dat si wt ghint bi nacht doe si in sat
ieghen Pieter Zwanen wijf.

Item noch die selve Ane verwonnen met een ketel ieghen Pieter Zwanen wijf.

Item meester Jan die messelaer inghenade ghegaen metter vust ieghen Hein Feroen.

Item Vlenkaert metter vust ieghen Florens Houtmans knaep.

(keerzijde)

Item Joncker Waelwijn inghenade ghegaen met een messe ieghen Gherijt die
boghemaker.

Item Joncker Waelwijn inghenade ghegaen met een messe ieghen Dirc die steenbakker.

Item Claes Aelwijnssoen verwonnen van dat hi vacht indie merct met een messe ieghen
Heintgijn barbier.

Item Alijt Voppen met enen stilleghanc ieghen Hughe Andrijssoen.

Item bi Claes Cupers dochter mitter vust ieghen Vincaert.

Item bakker van zeist metter vust ieghen Griet Donkers.